

华阴县志

第二册

華陰縣志卷十九

藝文碑

西嶽華山神廟之碑

周万紐于瑾

易不云乎天險不可升地險山川邱陵險之時義大矣哉惟華山者
於書爾雅謂之西嶽周官則爲豫州之鎮下枕周秦之郊
上應東井之宿俯臨汾渭咫尺荆梁盤紆巒崿刻峭崢嶸千雲
漢而孤秀屬江河而峻跱巨靈疏壑亢高掌於巖端削成壁立
流黃河於峴曲左分底柱見朝夕之揚波右綴終南眺連山之
無極顯仁藏用蘊智含靈鼓以雲雷潤以風雨信羣帝之所休
憩衆神之所盼靈芝駕自此不歸霓裳於焉屢拂豈止績羽爲

衣葺荷成蓋化同毛女容類園公每挹仙人之漿皆停酒母之
騎坐石門而穿陷乘白鹿以遊嬉寥寂忽恍往而不返者也至
如芳年華月零歛雲開谷包得一河經千里聳翠崿於紫微挺
高峯於天漢慙駐羲和之旃能挂姮娥之驂積醴成池泓澄巒
岫聚卉爲髮蘿葦生焉庭鱣夜萃必歸伯起之學苦霧晨興非
獨公超之市若迺柴類方明之壇望僊集靈之觀休牛散馬之
地反璧祖龍之辭有祈必感無請不遂保乂我金方裁成我四
海振素祇以統億兆肅秋節以衛蒼生國荷其慶民賴其福前
代曾創祠宇兼植柏樹厯年茲多棟崩褫樹亦往往殘缺太
祖文皇帝固天攸縱誕膺符命道遇三分功超九合將欲寧一

區寓納之仁壽而餘霽尙梗燕趙未并治戎河上志圖廓掃每
以講閱之暇巡履陰晉眷言舊所良用依然以大統一年歲在
旃蒙乃謁諸天子命車騎大將軍儀同三司西兗州大中正華
山郡守城陽縣開國公恆農楊子昕經始繙構別更列植青松
二千餘根堂廟顯敞房廊肅穆芬哉辭席赫矣神居桂酒徐斟
清歌緩節無復霑濡之事豈有顛沛之容暨水德告終蒼精肇
運獄訟知歸人神胥悅皇帝負扆君臨宸居馭朽執玉帛以朝
萬國叩金繩而享百靈叡智之所牢籠英威之所彈壓日月之
所昭臨舟車之所被通莫不乘毳駕風梯山航海重譯屈膝請
吏勤王太師大冢宰晉國公任屬阿衡親惟旦奭弼諧六樂絢

熙五禮廢典聿修羣望咸族光贊皇猷式康帝載俾七百之祚
長扇于無疆維天和二年歲次大淵獻月旅姑洗爰詔史臣爲
之頌曰攸攸大極巖巖削成渾元卽判載濁浮清含仁配厚蘊
智爲靈功遂勿處田用無名在秋戒肅居金作鎮嚴霜比威膏
液等潤容而不有施而匪吝窮地之險極天之峻川澤通氣山
藪藏疾靈嶽峨峨清干族族隈積冬霰峯留夏日雷霆以之風
雲自出殷憂啓聖多艱開基大人利見或躍俟昔袞冕赤鳥四
牡龍旗鼓腹行樂擊壤而熙神教以道民化惟德沈漸以剛高
明柔克文軌叶同皇猷允塞如山之壽寧我邦國

西嶽太華山碑

唐元宗

天有四序星辰列其分地有五方山岳鎮其域陰陽交暢則品
物形矣精氣相射則神明著矣西岳太華山者當少陰用事萬
物生華故曰華山踞中土西偏七宮正位是稱西岳按圖以察
禮成而四方信焉立表以算其高五千仞明焉石壁傑堅而雄
竦衆山奔走而傾附其氣肅其威振其行配金其辰直酉前對
華陽之谷後壓華陰之郡左抱桃林之塞右產藍田之玉諒少

昊之下都蓐收之別館者也軒帝遊焉以會衆神虞舜柴焉以
覲羣后爰自夏氏迄於隋室朝更五姓載歷三千祀典相因舊
章未改壇場廟宇何代不修一禱三祀無歲而缺所以報生殖
事靈神不有忘也故亦祚休明災淫慝未嘗爽也皇天眷佑馨
我烈祖奄有萬方逮於六葉郊天地望山川精意必達墜禮咸
甄亦命州將四時告虔加視王秩進號金天若是何者抑有由
焉予小子之生也歲庚戌月仲秋膺少昊之盛德協太華之本
命故嘗寤寐靈岳盼鑑神交玉帛未陳幽贊必先意而啓椒醴
雖薄景福果應期而集元感昭賽可一二而道耶記云下有方
士真人金鼎石室上有明星玉女仙草瓊漿茅龍一去毛女千

祀前代帝王多所僥覬朕學穀文之道故靡斯人之徒憂在至
道之不宏不憂富貴之無永患在蒼生之不理不患年壽之若
流以功施四海爲長生以業傳百代爲不死焉羨置集靈之宮
虛望非福立存仙之殿妄思輕舉哉於戲惟岳配天尚弼予志
予欲布大政康兆人岳翼予欲定禮樂諧神人嶽聽予思其維
嶽降神生此多士無俾申甫專美於嵩語酌古訓心通神景善
而不答誠而不應未之有也岳其念哉十有二載孟冬之月步
自京邑幸於洛師停鑾廟下清眺仙掌雲拂石牀霓裳可接風
過松嶺仙駕如聞久勤報德之願未暇封崇之禮遲迴刻石梗
概銘山萬姓瞻予言可復也銘曰巖巖太華柱天直上青崖白

谷仰見靈掌雄封峻削菡萏森爽是曰靈岳衆山之長白帝西
下黃河北來陰陽孕育精氣徘徊遇聖呈瑞逢昏降災玉池神
挹石室仙開海絕瀛洲天遙元圃偉哉此鎮崢嶸中土鬼神乍
遊風雲忽聚高標赫日半壁飛雨自古王者巡方必至龍駕帝
服封天禪地南面會神西后在位待予治國安人然後徐思其
事

述聖頌碑

達奚珣

懸象著明莫大乎日月我聖人之文也發祥儲祉莫大乎神祇
文之所繇興也原夫天作太華氣雄羣山秉靈伊何受命如響
自神元之所開拓雲帝之所巡遊祀典雖存宏圖蓋闕洞陰陽

之不測其惟大聖歟於是藻翰自天發揮神化建碑于廟以光
寵焉乃命朝英實司其事經始勿亟庶人子來徒觀其神輪坤
珍美石次玉追琢之際厥聲冷然曠龍之後其光洞納樹之平
地嶷若斷山六龍盤薄紝其上羣神離立負其下藝事既畢宸
章乃開竊以泄鑪大造之時天動地橐祕籙聿來之日風搖雲
起詞義至廣含元氣而運行翰墨至精吐奎星而飛動剛柔相
錯神妙無方合而五光昭離而萬象列宇宙之間粲如也繇是
發巖巒之氣色益祠廟之風稜不怒而威有來加敬蓋因大君
之一顧也寵秩榮幸不其至哉初有司以法駕時巡路直斯地
將選巨石先期底功天意若曰夫人神之主也嚴神以爲人也

今稿事未已工徒復興人儻失業神將何據方待歲暮以須後
圖粵若碑版業乎刊刻通其變則人不倦節其用而財不傷俾
夫役者逸於從事天之臨下其道有赫曲成萬物何往非宜時
厥使臣乃昌言曰國之大事在祀神之所歆在德以德舉事吾
君有光比夫周銘弇山存乎車轍馬跡漢祠少室蓋欲遙興
輕舉至誠逮下可同年而道哉頌聲未作詞客之過小人固
陋遊聖難名實賴文宗繼其不逮敢託呂補闕向爲之頌云天
輔聖德配極而崇帝者祖號神行慈旨布澤而治人之父兮叶
命高岳喻壽其齊招靈佑兮飛文孤標洒翰又類使物觀兮騰
雄激烈交天聲芬偃上古今發潤飄清揔此光氣覆下土兮標

異閑妙意力猶懸空作矩兮徵往到近辭聽相授無與伍兮

華嶽精享昭應碑

咸 廪

夫神其止也虛其行也直是以感生焉夫祀其事也大其馨也
德是以福生焉維嶽有嵩居兌曰華天作峻極厥仞五千降靈
集祉 王國故風時雨若必應休明玉帛之享以豐其報致
天人之和者功莫大焉歲在涒灘皇帝以開元嗣極今八載也
文德被武功成垂拱而天下理績服而庶邦正於戲聖之配德
不逆災祥之數而務修其德天之降福或彰譴告之符而終興
其善是以成湯興而炎曠邁周宣懼而頌聲作問自月在奎雷
始電迨乎畢春氣達萌芽山川如焚密雲不雨千耦適野胥病

于失時百室崇墉將空于成歲我皇畏昊天之命憫烝人之艱
自郊徂宮靡神不舉乃分命舊相尚書許國公蘇頤以瑞祝之
辭旅于西嶽將以蒙嘉氣獲豐年公時膺保衡代修袞職克永
先正對揚王休天子以下惟公九人允歸同德公是用僉諧八
座懋廣疇咨有文章焉有禮樂焉旣言冢位乃司宗伯實佐和
邦敬恭明祀爰屆爰處威儀孔將闕是亭廟有來斯啓州命長
史河東薛縉俾焉協事于外宗人相禮展器執書告備于內肅
雍萃止蕭艾並作幣尊六號玉用兩珪焚燎舉而禮容祇若昧
爽交而神光有粲粵三月庚申陳薦請也公已事復命式遄其
歸時厥翌日旋于闕下車辚辚而響止履鏘鏘而聲入則已渝

周四溟澍治千里拜獻純嘏天臨在歡嘉公克誠神用影響制
書褒貽束帛有差既禱而祀古之義也邱不與祭帝有焉乃
申命秩宗寵終厥事則有牲牷樂奏之備以昭配焉癸卯告賽
如前禮夫陰陽不測至妙也因變感情至教也六府三事大功
也四望六宗大禮也后王卿士如彼歲月其道不易時惟康哉
蘇公乃言曰惟我后之德格於上下神哉其需今茲巨人可無
述已於是重費以謀始因物以書伐倬彼金石載刊其陰俾夫
後之敬事者知景福之攸在其辭曰於鑠太華降神西峙惟王
荒之配天有祀雲雨成物馨香叶祉明明天子禱兮愆陽肅肅
蘇公王命是將克誠攸享離畢其滂年之用康祀事惟政非昵

非假禮崇其敬祠而報焉以永終慶惟靈感和幽贊而生有豐
者石刻之則貞蘇公作頌孔碩其聲

昭告華嶽碑

韓 賞

惟二十七祀孟秋右補闕韓賞敢昭告於泰華府君祠廟惟天
地生於人惟山水主乎神人有識而神有靈人貴聰而神貴明
於昭靈山與天窈冥載在祀典鎮乎上京自古帝王徵應不一
荒淫者神降之凶聖哲者神授之吉惟茲臣庶鑒乎得失今予
小子造於神祠將有所盟神其聽之人有嗜好名爲私禱顧無
所求惟道是憂今者內禱於身外盟於神如有一心公朝戮力
主人惟神是福崎嶇世道僥倖在位惟神所殛必將忘身奉國

爲本圖憂國濟人爲已任明明太華昭鑒于茲瞻彼牲牢抑惟常禮神嗜正直意存精誠正直以享神精誠以享意拳然跼慮瞿然改容益靈山之嵯峨增壽宮之肅穆厯階趨進彷彿其形尙饗天寶元年歲次壬午四月乙亥朔十日甲申諸王侍書榮王府司馬韓擇木書

謁嶽廟文

盧朝徹

唐大厯九年甲寅季春 生明華陰令盧朝徹下車散齋浹日精意撰擇元辰吉蠲鎮館靡侵斯牲 修祀事端笏祠宇搢紳奠饋敢告金天王粵山嶽配天聰明正直豈實禍淫寧眞祚德朝徹不佞獲領茲縣職監酒掃躬備陳薦顧嗟菲 受愚

蒙清是 家風所遺方乃

天誘其衷與衆難合於時不

容向老

如何遭逢抱拙恬澹委運窮通儻力於政王降百

祿稍私其身王肆

福謙害盈則仰嶽靈不識不知何敬神

爲拜手稽首兮氣莫敢忘

醉酒兮儼然有待松柏颺颺兮

屑率若來容衛森兮鬢鬚如在

唐修華嶽廟碑

李商隱撰文見岳廟項下

勅賜西嶽廟乳香碑

宋韓見素

粵若太極剖判非三才無以孕百神之靈一氣周流非五行不能儲萬物之秀是則五行於三才百神一氣萬物無所不在矣故在天爲五星在地爲五氣在人爲五藏在物爲五色而於聲